

BON DIA *Aruba*

Dialuna 8 di Juni 2015 www.bondia.com Email: noticia@bondia.com Tel: 582-7800 Fax: 582-7044 1,50 Florin

Minister Otmar Oduber

“Nos ta considera e transaccion aki como un ‘breach’ di ‘business ethics’ hopi grandi”

Diadomingo mainta minister Otmar Oduber a duna un declaracion tocante e situacion di Radisson, prome cu el a biaha pa Cuba. Gobierno a expresa na ehecutivonan di grupo Carlson cu e transaccion aki ta wordo considera un breach di business ethics y cu gobierno di Aruba ta tumando un posicion hopi serio y firme.

Lesá A3

Minister Otmar Oduber

Transaccion RIU-Carlson ta wordo considera un breach di business ethics grandi

ORANJESTAD – Den fin di siman prome cu Minister Otmar Oduber a biha pa Cuba, el a duna algun declaracionnan tocante e situacion di benta di Radisson. E ta indica cu gobierno ta considera e transaccion entre RIU y Carlson uno manera breach di business ethics grandi.

Den ultimo dianan Gobierno di Aruba tabata relativamente keto, segun e mandatario, despues cu a uni nan mes na e caso cu tabatin siman pasa dialuna.

El a bisa cu Gobierno a uni su mes na esaki no pa inter-veni den un transaccion priva, pero si pa ilustra y duna conocemento na un maneho cu a wordo publica pa loka ta

trata bienestar general di Pais Aruba y interes general di cada un di su ciudadanonan mirando e dependencia grandi cu Aruba tin riba turismo.

Pa loka ta trata e dependencia di turismo di Aruba, Minister Oduber a informa despues cu algun siman atras Aruba tabata riba e posicion number 3 awor ta ocupando posicion number 1 y ta representa mas di 90% di empleonan directo of indirecto.

Dia 17 di juni proximo lo tin un veredicto den e caso riba e peticion di Aruba Growth Fund pa para e negociacionnan cu ta tumando luga cu RIU y reestablece e negociacionnan cu tabata tumando luga mirando cu ainda nan tin tempo pa finalisa e deal.



Gobierno a reuni cu partidonan

Mientras tanto Gobierno a reuni y tabatin diferente conferencianan telefonico cu ehecutivonan halto di tanto RIU y Carlson Group. Diaranson mainta y atardi Min-

ister Oduber a reuni cu e delegacion manda pa sr. Luis Riu unda cu a mostra claramente e posicion di Gobierno. Esaki tambe a wordo mostra na e ehecutivonan halto di grupo Carlson via telefonico diabierna ultimo. “Nos ta considera e transaccion aki como un ‘breach’ di ‘business ethics’ hopi grandi. Ora bo uza e tipo di expresionnan aki a hala atencion riba e posicion cu Gobierno di Aruba ta tumando, cual ta uno hopi serio y hopi firme!”

Notifica ambos partido

Ambos partido a wordo notifica caba cu instruccion a wordo duna pa cambio di legislacion, segun e mandatario. Leynan na e momentonan aki caba ta wordo adapta conforme cu e mane-

ho cu Gobierno a anuncia recientemente. Esaki kiermen cu lo bin cu un tipo di ver-gunningstelsel pa loka ta trata operacion di all inclusive y cambenan cu ta huur cu no ta solamente camber. Esaki kiermen cu no solamente ta bay reglamenta e aspecto di all inclusive, sino tambe fenomenonan manera add-on y credit vouchers entre otro cu no ta conforme e turista conoci como ‘transient’ of EP visitor.

Aparte di a instrui e cambionan di ley wordo prepara, tambe lo acerca Raad van Advies y Parlamento pa mas pronto posibel atende cu esaki. Minister Oduber ta spera cu esaki lo por tuma luga prome cu reces mirando e importancia y interes general di Pais Aruba. □